

KONKURRANSEGRUNNLAG

Open anbodskonkurranse
etter del I og III i forskrifta

for anskaffing av

Prosjektering utbetring Fv. 209 Foldnesvegen

Saksnr. 2018/3006

Innhald

1	GENERELL SKILDING	3
1.1	OPDRAGSGIVAR	3
1.2	FORMÅLET MED ANSKAFFINGA.....	3
1.3	DELTILBOD.....	3
1.4	VIKTIGE DATOAR	3
2	REGLAR FOR GJENNOMFØRING AV KONKURRANSEN OG KRAV TIL TILBOD	4
2.1	ANSKAFFINGSPROSEDYRE.....	4
2.2	KRAV TIL LØNNS- OG ARBEIDSVILKÅR	4
2.3	SKATTEATTEST	4
2.4	TEIEPLIKT.....	5
2.5	VEDSTÅINGSFRIST	5
2.6	OPPDATERING AV KONKURRANSEGRUNNLAGET	5
2.7	TILLEGGSOPPLYSNINGAR.....	5
3	DET EUROPEISKE EIGENERKLÆRINGSSKJEMAET (ESPD)	5
3.1	GENERELT OM ESPD	5
3.2	NASJONALE AVVISINGSGRUNNAR	5
3.3	SAMLA OPPGIVING FOR ALLE KVALIFIKASJONSKRAV I ESPD-SKJEMAET	6
4	KVALIFIKASJONSKRAV	6
4.1	LEVERANDØREN SI REGISTRERING, AUTORISASJON MV.	6
4.2	LEVERANDØREN SIN ØKONOMISKE OG FINANSIELLE KAPASITET	6
4.3	DEI TEKNISKE OG FAGLEGE KVALIFIKASJONANE TIL LEVERANDØREN	6
5	TILDELINGSKRITERIUM	6
5.1	EVALUERINGSMETODE	7
6	INNLEVERING AV TILBOD OG TILBODSUTFORMING	7
6.1	INNLEVERING AV TILBOD	7
6.2	UTFORMINGA AV TILBODET	7
7	VEDLEGG	8

1 GENERELL SKILDRING

1.1 Oppdragsgivar

Fjell kommune er oppdragsgivar. For meir informasjon, sjå www.fjell.kommune.no.

Oppdragsgivar sin kontaktperson er:

Namn:	Torstein Fjeldet Lunde
E-post	torstein@odinprosjekt.no

Eventuelle spørsmål skal rettast til kontaktpersonen gjennom kommunikasjonsmodulen i konkurransegjennomføringsverktøyet (KGV).

Det skal ikkje vere kontakt/kommunikasjon med andre personar hos oppdragsgivar når det gjeld anbodskonkurransen enn nemnde kontaktperson.

1.2 Formålet med anskaffinga

Det skal prosjekterast i samband med utbetring av Fv 209 Foldnesvegen, omlag 840 m (kan kortast ned til 725 m om naudsynt).

Prosjekteringa skal gjerast etter Sa2-standard. Prosjektet omfattar 2 køyrefelt, gang- og sykkelveg, busstopp og sanering av avkøyrslar. Det vil verte justeringar i forhold til reguleringsplanen, men ikkje utanfor plangrensa. I tillegg skal leidningsnett som går i luft ned i grøft. Av kjende leidningseigarar er BKK, med fiber, vegljøs og høgspenst, Telenor og Eltel.

Det skal også etablerast nye vass- og avlaupsleidningar for FjellVar, samt gjerast fjerning av gammalt anlegg.

All prosjektering skal godkjennast av Statens vegvesen.

Oppdraget skal gjerast etter medgått tid, etter NS 8402. Det skal utarbeidast honorarbudsjettt i samsvar med NS 8402 pkt. 12.3.

Frist for ferdigstilling av prosjektering er 28. februar 2019.

Plankart ligg som vedlegg til kontrakten.

1.3 Deltilbod

Det er ikkje høve til å gi tilbod på delar av oppdraget.

1.4 Viktige datoar

Oppdragsgivar har lagt opp til slike tidsrammer for prosessen:

Aktivitet	Tidspunkt
Sendt Doffin/TED for kunngjering	19.09.2018
Frist for å stille spørsmål til konkurransegrunnlaget	12.10.2018
Frist for å levere tilbud	24.10.2018 kl. 12:00
Evaluering	Veke 43-44
Val av leverandør og kunngjering til leverandører	31.10.2018
Utløp av karensperiode	13.11.2018 kl. 08:00
Kontraktsinngåing	Veke 46
Vedståingsfrist for tilbudet	31.12.2018

Det blir gjort merksam på at tidspunkta etter opning av tilboda er førebelse. Ei eventuell forlenging av vedståingsfrist kan berre skje med samtykke frå leverandøren.

2 REGLAR FOR GJENNOMFØRING AV KONKURRANSEN OG KRAV TIL TILBOD

2.1 Anskaffingsprosedyre

Anskaffinga blir gjennomført i samsvar med lov 17. juni 2016 nr. 73 om offentlige anskaffelser (LOA) og forskrift 12. august 2016 nr. 974 om offentlige anskaffelser (FOA) del I og III. Kontraktstildeling vil bli gjort etter prosedyren open anbodskonkurranse, jf. FOA § 13-1(1).

I denne konkurransen er det ikkje høve til å forhandle. Det er følgjeleg ikkje høve til å endre tilbudet etter tilbodsfristen har gått ut. Vidare blir det gjort merksam på at tilbud som inneheld vesentlege avvik frå anskaffingsdokumenta, skal avisast etter forskrift om offentlige anskaffelser § 24-8 (1) b. Oppdragsgivar kan avvise tilbud som inneheld avvik frå anskaffingsdokumenta, uklare punkt eller liknande som ikkje må reknast som uvesentlege, jf. § 24-8(2) a i forskrifta.

Leverandøren blir derfor på det sterkaste oppfordra til å følgje dei rettleiingane som blir gitt i dette konkurransegrunnlaget med vedlegg og eventuelt stille spørsmål ved uklare punkt.

2.2 Krav til lønns- og arbeidsvilkår

Kontrakten vil innehalde krav om lønns- og arbeidsvilkår, dokumentasjon og sanksjonar i samsvar med forskrift om lønns- og arbeidsvilkår av 8. februar 2008 nr. 112.

2.3 Skatteattest

Valde leverandør skal på førespurnad levere skatteattest for meirverdiavgift og skatteattest for skatt. Dette gjeld berre dersom valde leverandør er norsk.

Skatteattesten skal ikkje vere eldre enn 6 månader rekna frå fristen for å levere førespurnad om å delta i konkurransen eller tilbud.

Ved bygge- og anleggskontraktar skal også alle underleverandører levere skatteattest.

2.4 Teieplikt

Oppdragsgivar og tilsette der pliktar å hindre at andre får tilgang eller kjennskap til opplysningar om tekniske innretningar og framgangsmåtar eller drifts- og forretningsforhold det vil vere av konkurransemessig verdi å halde hemmeleg, jf. FOA § 7-4 og, jf. forvaltningslova § 13.

2.5 Vedståingsfrist

Leverandøren må vedstå seg tilbodet sitt til det tidspunktet som er angitt i pkt. 1.4 ovanfor.

2.6 Oppdatering av konkurransegrunnlaget

Eventuelle rettingar, suppleringar eller endringar av konkurransegrunnlaget, og spørsmål og svar i anonymisert form, vil bli formidla til alle leverandørar gjennom konkurransegjennomføringsverktøyet.

2.7 Tilleggsopplysningar

Dersom leverandøren finn at konkurransegrunnlaget ikkje gir tilstrekkeleg rettleiing, kan han skriftleg be om tilleggsopplysningar hos oppdragsgivar ved oppdragsgivar sin kontaktperson.

Dersom det blir oppdaga feil i konkurransegrunnlaget, ber vi om at dette blir formidla skriftleg til oppdragsgivar sin kontaktperson.

3 DET EUROPEISKE EIGENERKLÆRINGSSKJEMAET (ESPD)

3.1 Generelt om ESPD

Som ein førebels dokumentasjon på oppfylling av kvalifikasjonskrav, at det ikkje ligg føre avvisingsgrunnar og eventuelt oppfylling av utveljingskriterium, skal leverandøren fylle ut vedlagde ESPD-skjema. Skjemaet skal leverast saman med tilbodet. Leverandøren som blir innstilt til kontraktssinngåing, må før kontrakt blir inngått dokumentere oppfylling av kvalifikasjonskrava i samsvar med dei opplyste dokumentasjonskrava.

3.2 Nasjonale avvisingsgrunnar

I samsvar med ESPD del III: Avvisingsgrunnar, seksjon D: «Andre avvisingsgrunnar som er fastsette i den nasjonale lovgivinga i oppdragsgivaren sin medlemsstat» Dei norske anskaffingsreglane går lenger enn det som følgjer av avvisingsgrunnane angitt i EU-direktivet om offentlege anskaffingar og i standard-skjemaet for ESPD. Det blir derfor presisert at i denne konkurransen gjeld også alle avvisingsgrunnane i § 24-2 i anskaffingsforskrifta, inkludert dei reint nasjonale avvisingsgrunnane.

Følgjande av avvisingsgrunnane i anskaffingsforskrifta § 24-2 er reint nasjonale avvisingsgrunnar:

- §24-2(2). I denne føresegna er det angitt at oppdragsgivar skal avvise ein leverandør når han er kjent med at leverandøren er rettskraftig dømt eller har vedtatt eit førelegg for dei angitte strafflagde forholda. Kravet til at oppdragsgivar skal avvise leverandørar som har vedtatt førelegg for dei angitte strafflagde forholda, er eit særnorsk krav.
- 24-2(3) bokstav i. Avvisingsgrunnen i ESPD-skjemaet gjeld berre alvorlege feil i yrkesutøvinga, medan den norske avvisingsgrunnen også omfattar andre alvorlege feil som kan medføre tvil om den yrkesmessige integriteten til leverandøren.

3.3 Samla oppgiving for alle kvalifikasjonskrav i ESPD-skjemaet

I denne konkurransen kan leverandørane i ESPD-skjemaet gi ei samla erklæring om at han oppfyller alle dei kvalifikasjonskrava som kjem fram av dette konkurransegrunnlaget. Dette gjer ein i del IV seksjon a i ESPD-skjemaet.

4 KVALIFIKASJONSKRAV

For å kunne få tilbodet sitt evaluert, må leverandøren fylle ut det elektroniske eigenerklæringsskjemaet om at han oppfyller alle dei kvalifikasjonskrava som er oppgitt nedanfor.

4.1 Leverandøren si registrering, autorisasjon mv.

Krav	Dokumentasjonskrav
Leverandøren skal vere registrert i eit føretaksregister, fagleg register eller eit handelsregister i den staten leverandøren er etablert.	Norske selskap: Firmaattest Utanlandske selskap: Godtgjersle på at selskapet er registrert i eit føretaksregister, fagleg register eller eit handelsregister i den staten leverandøren er etablert.

4.2 Leverandøren sin økonomiske og finansielle kapasitet

Krav	Dokumentasjonskrav
Leverandøren skal ha tilstrekkeleg økonomisk og finansiell kapasitet til å kunne oppfylle kontrakten. Kredittverdigheit utan krav til å stille sikkerheit vil vere tilstrekkelig til å oppfylle kravet.	Kredittvurdering som baserer seg på siste kjende rekneskapstal. Ratinga skal vere utført av kredittopplysningsverksemd som har konsesjon til å drive slik verksemd.

Dersom leverandøren har sakleg grunn til ikkje å leggje fram den dokumentasjonen oppdragsgivar har kravd, kan han dokumentere sin økonomiske og finansielle kapasitet ved å leggje fram eitkvart anna dokument som oppdragsgivar ser som eigna.

4.3 Dei tekniske og faglege kvalifikasjonane til leverandøren

Krav	Dokumentasjonskrav
Leverandøren skal ha erfaring frå oppdrag som kan samanliknast.	Skildring av leverandøren sine inntil 3 mest relevante oppdrag i løpet av dei siste 3 åra. Skildringa må inkludere opplysning om verdi, tidspunkt og mottakar (namn, telefon og e-post) av oppdraget. Det er leverandøren sitt ansvar å dokumentere relevans gjennom skildringa. Leverandøren kan dokumentere erfaringa ved å vise til kompetanse til personell han rår over og kan nytte til dette oppdraget, sjølv om erfaringa er opparbeidd medan personellet har utført teneste for ein annan leverandør.

5 TILDELINGSKRITERIUM

Tildeling skjer på basis av kva for eit tilbod som har det beste forholdet mellom kostnad og kvalitet, basert på desse kriteria:

Tildelingskriterium	Vekt	Dokumentasjonskrav
Kostnad Under dette kriteriet vil ein vurderer totalkostnaden i honorarbudsjetten.	60 %	Utfylt honorarbudsjetten, så del 2 vedlegg 2 Tilbodsskjema.
Kompetanse og erfaring Dokumentert samla kompetanse og erfaring for teamet som vert tilbydd for gjennomføring av oppdraget.	40 %	<ul style="list-style-type: none"> • Oversikt over tilbydde dedikerte personar som inngår i teamet. • CV for tilbydde ressursar. • Relevante referanseoppdrag frå dei siste tre åra som dokumenterer teamet si relevante erfaring.

5.1 Evalueringsmetode

Kostnad vil vurderast etter ein relativ modell der beste tilbod får score 10, medan andre tilbod får relativ score etter avvik frå beste tilbod.

Kompetanse og erfaring vert vurdert etter ein relativ modell der beste tilbydar får score 10, medan andre tilbod vert gitt trekk i poeng ut frå relative avvik frå beste tilbod.

6 Innlevering av tilbod og tilbodsutforming

6.1 Innlevering av tilbod

Tilbodet skal leverast via <https://permalink.mercell.com/91876948.aspx>.

6.2 Utforminga av tilbodet

Det blir bedd om at tilbodet blir utforma i samsvar med den disposisjonen som følgjer av dette konkurransegrunnlaget. Leverandør er sjølv ansvarleg for at alle spørsmål, krav og avklaringspunkt blir svarte på / belyste og dokumenterte i tilbodet.

Tilbodet skal utformast med denne disposisjonen:

- Tilbodsbrev signert av ansvarleg representant for leverandøren. Tilbodsbrevet må innehalde følgjande:
 - Ein aksept av vilkår i konkurransegrunnlaget og utkast til kontrakt og spesielle kontraktsvilkår. Eventuelle atterhald må komme fram her og vere oppgitt i samsvar med dei reglane som er gitt om atterhald og avvik i dette konkurransegrunnlaget. Vidare må brevet innehalde namn og kontakinformasjon til kontaktpersonen for leverandøren.
- Eigenerklæring om at leverandøren oppfyller alle kvalifikasjonskrav for deltaking i konkurransen.
- Forpliktingserklæring frå anna verksemd – Skal berre leverast dersom leverandøren støttar seg på kapasiteten til anna verksemd. Desse verksemdene må i tillegg levere separate eigenerklæringar (sjå forskrifta § 17-1(6)).

- Løysingsspesifikasjon frå leverandøren (Leverandøren sitt svar på kravspesifikasjon frå oppdragsgivar med etterspurt dokumentasjon – Vedlegg 2 i kontrakten)
- Utfylt prisvedlegg
- Eventuell annan informasjon du har etterspurt i samband med tildelingskriteria.

7 Vedlegg

- Del 1 Vedlegg 1 Mal tilbodsbrief
- Del 1 Vedlegg 2 Mal eigenerklæring taushetsplikt
- Del 1 Vedlegg 3 Mal tilbyders avvik
- Del 2 Avtaledokument til NS 8402
- Del 2 Vedlegg 1a Ytingskildring
- Del 2 Vedlegg 1b Plankart
- Del 2 Vedlegg 2 Tilbodsskjema
- Del 2 Vedlegg 3 Faktureringsrutiner
- Del 2 Vedlegg 4 Endringer etter kontraktsinngåelse
- Del 2 Vedlegg 5 PRL-boka